

## ADFENT 3

ESEIA 35:1-10; SALM 146:4-10;  
LUC 1:46-55; IAGO 5:7-10; MATHEW 11:2-11

---

---

### ● Gweddi agoriadol

Dduw yr Adfent,  
bydd gyda ni yn ein teithio  
i'r stabl a'r tu hwnt.  
Bydd gyda ni yn  
ein dod ynghyd  
ac yn ein teithio gyda'n gilydd.  
Bydd gyda ni yn ein haddoli  
a'n gweddio gyda'n gilydd.  
Bydd gyda ni yn ein teithio  
i'r stabl a'r tu hwnt,  
Dduw'r Adfent.

### ● Moliant

Rydym yn freintiedig  
os, gan wybod mai ti sydd Dduw,  
y byddwn yn ufudd  
i'th air.

Rydym yn freintiedig  
os, yn ein teithio,  
y byddwn yn ymateb i'th alwad  
i ddilyn.

Rydym yn freintiedig  
wrth agosáu at ein gilydd

mewn cymdeithas, gweddi  
a gwasanaeth.

Dduw gogoneddus,  
rydym yn freintiedig,  
yn freintiedig dros ben.

● **Cyffes**

Dduw cyfanrwydd,  
iechyd a grym,  
maddau ein harafwch  
i agor ein calonnau mewn gweddi.  
Ym mhresenoldeb Iesu  
derbyniai'r deillion eu golwg,  
iacheid y gwahanglwyfus,  
taflai'r cloffion eu ffyn baglau  
a neidio yn llawen;  
pregethid newyddion da  
i bawb oedd yn barod i wrando.

Down atat  
gan ofni gofyn gormod,  
yn amau dy gariad a'th rym.  
Rho i ni ddewrder yn ein gweddïau,  
a'r wybodaeth nad oes dim,  
dim o gwbl,  
yn amhosib i ti.

● **Diolch**

Am ffyddlondeb  
Mair dy forwyn  
rhown ddiolch iti.  
Am y saint ym mhob oes  
sydd, pan alwyd hwy,  
wedi ufuddhau yn barod –  
y bugail a'r ysgolhaig,  
yn wynebu gwrthwynebiad  
neu glod,  
a'r cais i roi o'u cyfoeth  
neu eu tlodi –  
rhown ddiolch i ti.

Yn dy olwg di mae pawb wedi'u bendithio.  
Gad i ninnau gael ein cyfri  
ymhlith y rheini,  
yn barod i glywed dy alwad,  
a'n bywydau wedi'u cysegru  
yng ngwasanaeth ein Gwaredwr a'n Brenin.